



# ЯМДЕ ЛИИ

ВЛКСМ МАРОБКОМЫН ОРГАНЖЕ

ГАЗЕТ АК: идалык 2 т. 16 ыр.  
пел ийлан 1 т. 8 ыр.



## ОТЯДЛАН ИДАЛЫК МУЧКО ПАШАМ ЫШТЫМАН МЕМНАН ЖАПНА КУЗЕ ЭРТА

Пионер отрядлан идалык мучко пашам ыштыман. Садланак пионер-шамычын каникулыш каймекуштак отрядной сборышто кенжеж каныме жапым сайын эрта-рымде верген канашыш. Туштак идалык мучко пашам ышташ манын ойлыш-на. Мый эре план почеш пашам ыштем. Тыге паша сай кая. Отрядыште 25 пионер уло. Кенжеж жаплан 18 йоча-шамыч пионерыш пуренят. Ме каникул ту-налмекак турло модыш дене организовавме модаш ту-нална. Киношко, чодрашке миенна. Чодраште гербарий-ым, коллекцийым поген улына. Экскурсий дене му-зейыш, пионер портыш коштына. Тиде пионер-шамычлан пеш келшен.

РСФСР ден Марий АССР Верховный Советыш сай-лыме кечын колхозник-ша-мычлан художественный

постановкым шындые. Яра жап годым иктым чу-мырген торло мурым туне-мына. Коллективне тавцо-ватлашыже могай сай!

Пионер ден школьник-шамыч шке ешышлан, ту-гак масе коклаште газе-тым, сыне литературым лудыт. Колхозник-шамыч-лан Н. Островскийн «Как закалялась сталь» романже путырак чот келшен.

Пашана сай кая гынат, ик ситыдымаш уло. Физ-культурный площадкына йбнан верыште огыл. Тиде шотышто колхоз правле-нийыште ойленна гынат, нимогай полыш уке. Тиде кечылаште спорт площад-кым сай вереш ышташак шонена.

Гущина М.

Гомзовский ялысе пионер отряд вожагы, Йошкар-Ола район.

## Отряд кенжеж коч пашам ышта

Семеновский детдом пе-ленсе пионер отрядыште (Йошкар-Ола район) 12 пионер уло. Отряд кырыл-де пашам ышта. Вет ке-нежем отрядлан паша ыш-ташыже эн мотор жап Пионер-шамыч экскурсий дене Васильсурскыш, Йош-кар-Ола музейыш миенят. Пионер отряд вий дене

колхозник-шамычлан сыне постановкым ятыр кана шынденыт. Кызыт погра-ничник-шамычын илышышт гыч ик спектакльым ям-дылат. Хоровой кружок, струнный оркестр пашам сай ыштат. Лишыл жапыш-те Йошкар-Ола радиостан-ций гыч выступатлена.

Э. П.

## XVII ОБЛАСТНОЙ ПАРТИЙНЫЙ КОНФЕРЕНЦИЙ

7 июльышто 6 час касте-не Марий АССР Верховный Совет заседаний залеш XVII Марийский Областной партийный конференций почылто.

Конференцийым ВКП(б) марий обкомын первой сек-ретарь обязанностиш шук-тышо Архипов йолташ по-чын

Президиумым сайлымек ВКП(б) Марийский Област-ной комитетын пашаже нерген В. М. Архипов йол-таш докладым ыштен.

8 июльышто эрзаседаний ВКП(б) Обком ревизион-ный комиссий председатель Сизов йолташын отчетный докладше дене почылтын.



6 июль. Таче Как ша н эгерын шолла вел серыш-тыже — кумда, тор олы-кышто йоча-шамычын йу-кышт поснак чот шергыл-теш. Нуно тушто модыт, воштылыт, куштат, мурат. Тиде-Йошкар-Оласе пио-нер-шамыч костер эртараш погыненыт.

Кече шинчын, жап 9 час. ВЛКСМ Горкомын пионер отдел вуйлатышыже Ники-тина йолташ пионер-ша-мыч ончык лектеш:

— Шерге йоча-шамыч! Марий АССР Верховный Советыш депутат-шамыч дене вайлийме лумеш эр-тарыме первой костернам почмашеш шотлена! — оила тудо.

Мут Марий АССР Вер-ховный Советын депутат-ше орденоносец Беляев Ан-

дрей Ивановичлан пуалтеш. Тудо мемнан элысе йоча-шамычын пиялан илышышт нерген оила.

Варажым мутым СССР Верховный Советын депу-татше Капитолина Михай-ловна Кельбедина йолташ налеш. Тудын почеш кок пионерке шамыч — Дми-триева ден Овсяникова «Яб-лочком» танцоватлышт.

## Шерге Иосиф Виссарионович!

Сталин йолташлан колтымо письма гыч

Мемнан родной йдраты-ме ачана, учитель, чыла тунясе шмер-шамычын вождьш Сталин йолташ! Ме Йошкар-Оласе пио-нер ден школьник шамыч тунемме ийым чаплын пы-тарыме да кенжеж канику-лын тунгалмыже лумеш эртарыме костерыш погы-нен улына.

Мемнан тунемме ий му-чаш теней исторический кече дене—РСФСР ден Ма-рий АССР Верховный Со-ветыш сайлыме кече дене ик жапеш тольо. Мемнан ачана, авана, акана, иза-на-шамыч республикысе чыла шмер-шамыч дене пырля куанен да ик гае ике йукыштым беспартий-ный ден коммунист-шамы-чын шалаташ лийдыме Сталинский блокдан пуэ-ныт.

Мемнан ачана, авана, акана, изана-шамыч да чу-мыр марий калык йдраты-маш да гардость дене мем-нан республикын Верхов-ный Советыш первой кан-дидатлан—тыланет, род-ной Сталий, да тыйын со-ратникетлан — Советский правительствын главаж-лан Молотов йолташлан йукым пуэныт.

Ме кенжеж каникулым организовавме да культур-но эртарен, школьный за-нятийлан у вий ден энер-гийым погена, шкенан шко-лыш миен, лач «отлично» да «хорошо» отметке де-не тунемаш тунгалына.

Тау, родной Сталин йолташ, мемнан пиялан да весела илышым пу-метлан!

Костерыш погынышо пионер-шамыч.

Никитина оила:

— Йоча-шамыч! Сталин йолташлан письмам кол-таш манме ой дене келше-да мо?

Но тидыжым колменге йоча-шамыч пеш чот со-вым кыраш тунгалыч, «Ура» кычкырат. Коряко-во пелэ кыдалаш школын 7-ше классыштыже тунем-ше Штейнград Сара Ста-лин йолташлан возымо писмам лудеш. Костер пы-тышаш велеш тушкан тан-цоватлат, вара костерым, Никитина йолташ, петыр-мылан увертара.

Йоча-шамыч тушка дене мбггышт кыаш тунгалыч. Нунын чот куаныше шумаш гыч йук лектеш: — Йулö, костер!..

Федотов Иван.

## Беляев А. И. йолташын ойлымыжо гыч

Йоча-шамыч! Те туняште эн ниялан, эрыкан элыште — ССР Ушемыште иледа. Те туняште эн пиялан улы-




лагерьлаште, санаторий-лаште, каныме портлаште канат. Шукышт жапым мбг-гыштак эртарат.

Но мый кызыт утларак-шым тидын верген огыл, а СССР Верховный Советын первой сессийыштыже лий-мем нерген ойлынем.

Лич куд часлан Сталин йолташ трибуныш лекте. Тунам ме пеш чот, кужу жап совым кырышна.

Сессий годым 50 пионер-шамычым трибун дек кы-зыктышт. Нуно шкешт му-рат, а шинчашт Сталиным ончат. Сталин йолташ ве-селан воштылын, уло шум дене йбретен йоча-шамы-чым ончен.



«Таир» лагерыште каныше пионер-шамыч пуш дене коштыт.





Росчеслав Васюковский

## РОСЧЕСЛАВЫН ИНТЕРЕСНЫЙ ПАШАЖЕ

Пионер Росчеслав Васюковский тений Йошкар-Оласе 6-шо №-ан школын 8-ше классым пытарен. Школышто тудо отличник велэ огыл, тугак пеш сай общественниклан шотлалтеш.

Кызыт Росчеславын чумыр яра жапше пасуэш эрта. Пионер пörтын опытный участкыштыже тудо 7 түрлө люпиным ончен кушта. Тудын ыштыме пашаже пеш интересный да пеш күлешан. Моло климатеш сайын шочшо ужар уяндышым тудо мемнан климат декат йöндарнеже. Люпиным сайын ончен кушта да налме результатшым, августышто эрта ралтшаш пүтынь ушемысе ял озанлык выставкеш ончыктен пунеже. Кызыт Росчеслав выставкыш ка-яшлан кандидатлан шотлалтеш.

Росчеслав Васюковскийн тыршыме пашаже чумыр Марий республикысе пионер-шамычлан чапле пример лийын шога. Тудо раш пала: изи паша гыч кугу лиеш. Элыште шурно лектышым кугемдышашлан тыгай опыт ышты-машын күлешлыкше висаш лийдыме кугу.

И. Александров

## У СОРТ ШЫДАНЫМ ОНЧЕН КУШТЕМ

Совет элна пеш кумда, пеш поян. Тиде поянлыкым калык ышке чумырен. Мемнан элыште шурно лектыш ий гыч ийыш эре нöлтал-



Боря Бабушкин

тын шога. Тиде—пасу пашаш агрономический мероприятиям эре кумданрак пуртен шогымын результатше.

Советский агроном-шамыч, чумыр тунян палыме кугу учоный Лысенко гай профессор, академик - шамыч ий йыда түрлө сорт шурным луктын шога. Нуно ш о к ш о вереш гына

шочшо шурным йудвелышкылат шукат, климат дене йöндарат. Кугу учоный шамычын пашаштышт йоча-шамычат полышым пуэн шога. Кугу учоный-шамыч йоча-шамычым түрлө опытночество пашаш шупшыт. Нуно палат: советский йоча-шамыч коклаште кугу учоный лийшаш-шамыч шукын улыт. Мемнан элым кечын пöйдарен шогышаш верч кугу учоный-шамыч уло вийышт дене пашам ыштат.

Йоча - шамыч коклаште опытночество шарлымаш мыйымат интересный пашаш тарватыш. Мый Йошкар-Оласе пионер пörтын опытный участкыштыже у сорт шыданым ончен куштем. Нуным түрлө семын үденам, түрлө уяндыш дене уяндем. Кече йыда куштыра шудым кұрам. Ик мут дене ойлаш, мо күлеш, чыла ышташ тыршем. Кызыт мый пүтынь ушемысе ял озанлык выставкыш ка я ш л а н кандидат улам. Опыт пашам пеш йöбротем. Тидын дене мый шкенан чапле родиналан пайдале пашам ыштем.

Пионер Боря Бабушкин. Йошкар-Оласе 6-шо №-ан школышто тунемше.

## ЮНЫЙ ОПЫТНИК-ШАМЫЧЫН ПАШАШТ

Мемнан йоча-шамыч сайын да отлично тунемме дене гына огыт серлаге. Нуно тыгак 7-8 миллиард пуд шурно пырчымналшаш верч, вольк ашнымашым саемдышаш верч кучедалмаштат активне полшен шога.

1 августышто Москва олаш всесоюзный ял озанлык выставке почылтеш. Пионер-шамыч тидым пеш раш палат. Нуно ял озанлык выставкыште ончыкташлан у сорт шурным, породистый волькым ончен куштат, ял озанлык машинным модельжым ыштылт, молат. Тиде пашашке Йошкар-Оласе пионер-шамычат виян пижыныт.

Воробьева Миля ден Голычкова Лида мемнан условияште порсынымналшаш задачым шындыныт. Садлан нуно кызыт шуко порсыным пуэн кертше шелкопрядный шукшым пинаш пижыныт.

Бабушкин Боря шыдан ден пырей гыч налме гибридым ямдыла. Шумаш ийыште тудын колхозшо у сорт шыданым удаш, туналеш. Орлов Алеппа выставкыш шкенжын ончен куштымо кроликшым нагайнеже. Васюковский Слава 4 сорт люпин гыч кугу урожайым налшаш верч кучедалеш.

Выставкылан ямдылалтмаш юный опытник-шамычым пеш кугун интересоватлен. Нуно ял озанлык выставкым могай гынат сай пöлк дене вашлияш тыршат. Попова Люся ден Винцовская Вера мемнан республикысе условияште апельсинным, лимонным кушташ задачым шындыныт. Первой пашаштым ужин ушанаш лиеш: нуно шке задачыштым сайын шуктат, ончыко лимон ден апельсин колхозник-шамычынат йöбатыме саскашт лиеш. Мокосеева Надя мланде грушым—топинамбурым кушта. Тудо топинамбурым кукшу урожайя да шергакан культур улмыжым колхозник-шамычлан ончыктен пунеже.

Васильева.

## РСФСР Верховный Советын первой сессийже 15 июлышто лиеш

Всероссийский Центральный Исполнительный Комитет президиум РСФСР Конституцийн 39 статьяже почеш Российский Советский Федеративный Социалистический Республик Верховный Советын первой сессийжым 1938 ий 15 июлышто Москва олаш погаш пунчалын.

## СЕВАСТОПОЛЬ— АРХАНГЕЛЬСК

Военный летчица-шамыч Осипенко, Ломако ден Раскован нигушак шичде чонештымышт

1938 ий 2 июлышто московский жап дене 4 шагатат 36 минутышто ик моторан „МП—1“ гидросамолет дене военный летчица-шамыч старший лейтенант Полина Денисовна Осипенко, старший лейтенант Вера Федоровна Ломако да штурман-лейтенант Мария Михайловна Раскова Севастополь—Киев—Новгород—Архангельск маршрут дене нигушак шичде чонешташ тарванен каеныт.

15 шагатат 09 минутышто Осипенко йолташ Холмовский ерыш (Архангельск дең 15 километр югыштыла) пешсайын волён шиччыт.

2416 километр кутыш корным „МП—1“ самолет 10 шагатат 33 минутышто, шагатыште 228 километр скоросты дене эртен.

Советский летчица-шамыч Осипенко, Ломако ден Раскова шке ончыланышт шындыме задачым чаплын шуктеныт.

## Специальный школыш тунемаш налмаш

Москошто, Ленинградшты, Ростов-Донышто да Украиниште артиллерийский школ-шамычлан кадрым ямдылыше специальный школлашке погат.

Нине школлашке пелэ кыдалаш школым „отлично“ да „сай“ отметке дене тунем пытарыше рвезе-шамыч налалтыт.

Пытартыш жапыште специальный школлашке тунемаш пурашлан йодмаш шамыч пурат.

Васильева.

## „Торпедо“-и футболистше-шамыч родинышкышт пöртылыныт

3 июлышто советский „Торпедо“ спортивный общество футбольный командыже Францийысе Марсель олаште Барселонин (Испаний) сборный командыже дене модын. Матч 14:0 счет дене „Торпедо“ командын сенгымыж дене пытен.

5 июлышто торпедовец-шамыч Марсель гыч Парижыш каеныт. Нуно олам да тудын окраинжым онченит. Футболист-шамыч изи гына парижский местечкыш пуреныт. Тушто ала кунам В. И. Ленин илен. Тудо пöртеш пöртылшö-шамыч пеледыш орашамычым коденит.

8 июлышто „Торпедо“-н футболистше-шамыч Москош толыныт. 11 июлышто нуно СССР-ыште первой верыш лекташлан очередной матчыште модаш тунгалыт. Модыш Москошто, „Динамо“ стадионышто лиеш.

## АРКТИКЫШТЕ ШОШО

Новая земля районышто Карский тенгыз, тугак Маточкин Шар пролив але марте ий дене леведалтын кият. Түтыра шога, но шошо шижалтеш. Курык тайылыште кийше лум пеш чот лева. Эгер-шамыч ташленыт. Шуко комбо ден лудо чонештен толыныт. Южовере арктический пеледыш, шудо кояш; тунгалыныт.



Республиканский пионер пörтысö фотолубитель-шамыч фотоконкурсан ямдылалтыт. Фото Зайцевын.



# ИОШКАР-ОЛАСЕ ИОЧА САНАТОРИИЫШТЕ

—Иошкар-Олаште санаторийым почмылан ынде индеш ий лиеш. Тушто кажне ийын 250—300 йоча-шамыч канат, шкеныштын тазалыкыштым пенгыдемдат. Индеш ий коклаште мемнан санаторий шуко тулык йочалан да шуко икшыван ава-шамычлан ятыр полышым пуэн, — манян санаторий вуйлатыше Евгения Исаковна Ма-Аофис йолташ оила.

Чынжымак тыште йоча-шамыч сай канат. Кочкаш сай пукшат, модаш түрлө модыш уло. Сылне ужар сад покшелне лудмо зал. Залыште рат дене үстембалшамыч шинчат. Үстембалне тич сылне кнага - шамыч. Йоча-шамыч нуным йоратен лудыт. Теве Глушков Аркадий книга лудаш пеш йората. Тудо 7 кече жапыште „Часы“ книга м, Максим Горький нерген да моло книга-шамычмат лудын. Яра жапыште музыкым шокта.

—Мый санаторийыш толмекем нимогай музык денат шоктен ом мошто ыле, а тыште балалайке шокташ тунемынам, — манеш изи Аркадий. Чанак, Арка-

дий балалайке дене түрлө муро - шамычым шоктен мошта.


Ордыштырак олма сад коклаште Крушин Володя, Абрамов Витя да Григорьева Люба билиард дене модыт. Билиард нунын йоратыме модышышт.

Санаторийыште йоча-шамыч сайын канен шке тазалыкыштым пенгыдемдат. Первой сменыште каныше Сулиянова Лина тылзе жапыште 3 килограмлан ешаралтын.

Санаторий шуко икшыван ава-шамычланат кугу полышым пуа. Теве техслужащий Черкасован 7 йочаже уло. Тудын Мося ден Боряже ынде шымыше ий эре санаторийыште канат. Черкасова йолташ йоча-шамыч верч тыршыше мемнан йоратыме Сталин йолташлан кугу таум каласа.

Мемнан элыште гына йоча-шамычлан чыла условийым ыштыме. Нунылан тунемаш, канаш, специальностьым налаш кумда корным пуымо. Совет йоча верч мемнан коммунистический партий да Сталин йолташ тыршат.

Илян Япк.



Санаторийыште каныше йоча-шамыч билиард дене модыт. (Фото Овечкинын).

## „ТАИР“ ЛАГЕРЬЫШТЕ МЫЙ КУЗЕ КАНЫШЫМ

Умаште 5-ше классым похвальне грамота дене пытаренам. Теният чыла предмет денат „отлично“ отметке дене тунемым. Отлично тунемемлан школ ден пионер отряд Конганур пелэ кыдалаш школ гыч мыйым „Таир“ лагерыш канаш колтышт. Мый пеш куанышым, могай пиял! Вет первой кана каем. 5 июньшто Йошкар-Ола гыч автомобиль дене „Таир“ лагерыш кудална. „Таирыш“ лишеммына годым шийла йылгыжше ер мундурчак пеш сбралын койо. Мемнам пеш сай вашлийыч. Мочаш пурмек мукш еш семын илаш тунална. Натуралист дене пырля экскурсий дене Кокшагыш, У таирыш, Окуневый озерыш миенна. Тушто түрлө насекомый-шамычым, растенийым погенна. Кишкым, шынша-

лым ужынам. Лагерыште 6 отряд ыле. Мемнан 1 № отряд пашам эн сай ыштен. Линейкыш аккуратне коштна, дисциплине пенгыде ыле. Мый авиокружокышто тунемым. Ынде монгольфьерым, змеям ыштен моштем. Адак фото кружокышто тунемынам. Сниматлыме правилым сайын шинчем. Яра годым волейбол, футбол, баскетбол, военный модыш денат модынна. 24 кечыште 3 килограммлан ешаралтынам. Татар, венгер йоча-шамыч дене пеш келшен илышна. БГТО значоклан южо вид дене нормым сдатленам. Ик манаш, пеш сай каненам.

Монгö миймек у модышым организоватлем. Момдельым ышташ шонем.

Казанцев Вёдыр

Конганур пелэ кыдалаш школ, Куженер район.

Ивук шарна: ача вур вужык кия, нелын шула, калыкым пытартыш кана онча. Түрвыжö „лып-лып“ лиеш, но умша ок почылт, йук ок лек. Калык йук пуде шып шога, ала мом шонышыла коеш. Южыжо лудмыжö дене какарген, южыжо йошкарген. Пеш йошкаргышыла коктын койыт. Иктыже кужгү мушкыран, коя шүрган, йошкар тувырым чиен, умбачын жилетке, онышто шортньö чеп кеча. Тиде—ялын „ожаже“ Тайлан Миклай. Пеленже салтак вургемым чийше ег, тидыже уратник.

Ача йыр ончале, чыланат палыме ен-шамыч улыт: теве Микалын Вёдыр, тудын гаяк рожын тувыран, вара Семон Йыван, а теве.. Тайлан Миклай—йорло-шамычын вурштым йүшö. Уло шыде лекте, но логаргыч комыла ок воло, ойлаш ок пу... Шинча петырыш, калык ормалген кайыш. „Чынак мо колен? Ала колен огыл?“—вуйышто түрлө шонымаш пöртеш. Уке колен огыл. Теве шинча почылто, Тайлан Миклай ден уратникым гүслен ончале, түрвö тарванале. Ындежым йук лекте:

—Те, айдеме вур йүшö шире-шамыч! Уло вургемым йүнеда. Тый, Тайлан Миклай, вур йүшö явлык дене иктак улат. Кум ий тарзетлан илышым, тунам лулегыш витармет ситен огыл, вуемак йомдарнет улмаш. Эргыч олмеш салтакыш колтышыч, сарыште ныл ий коштым. Ынде умылышым: сар тыланда гына йора. Те йорлын вуржым йуын шкендам пойдареда. Удрамаш-шамычым орландареда, а ме темдан верч сарыште вурым йоктаре, шке гай йорло-шамычым пуштеде. Шылын толым. Тидым колынат да мыйым пушташ шоненат!—ача пытартыш кана уло шүмжö дене ойла, умша гычын вур йоршан шувыл варналтын лектеш. Ача вүран шувылым Тайлан Миклай умбак уло кертмыже дене шувал колта, шувыл Тайлан Миклай шүргыш „пыз льоп“ миен перна.

Тайлан Миклай тул семын ырен кая. Могай койдартыш. Вет Тайлан Миклай мамне семын „рожин мушкыр“ тудым мыскыла. Уло шыдыже лектешат, хромовый кемже дене колаш тунгалше айдемын вүран шүргыжым чумалеш, вур йылгыжше кемышкыже шинчеш, кемым йошкарта.

—Илышыч. Айдеме лийн кертын отыл, колет гынат покойник от лий!—шүведен, вүран шүргыжым уштын, кычкыралат, уратник ден коктын монгö велыш савырнен ошкылыч.

Шошо кече ойгырышыла койын онча, тудат пуйто

## А. ЯРЫГИН

### Лудшо йолташ-шамыч!

Ме тачысе номер гыч А. Ярыгынын „Изи герой“ луман ойлымашыжым печатлаш туналына. Тиде ойлымашыште гражданский война жап ончыкталтеш. Ош гвардий ваштареш кучедалмаште 13 ияш тулык Ивукын герой улыжым поснак келгын ончыктымо.

Лудшо-шамыч дек мемнан тыгай йодмашна уло: Тиде ойлымаш темдалан келша мо але ок келше? Тушто можо сай, можо осал? Тидын нерген шке шонымыдам редакцийыш возен колташ йодына.

„Я. Л.“ редакций.

айдеме колымым шижын. Шокшо, ласка йолжо дене ачам ырыкта, ала колымаш гыч утарынеже, ала пытартыш кана ласкан ырыктынеже.

Пушенге-шамыч шыпланен шогалыныт, лышташыштымат тарваташ тоштыдымыла койын шогат шопо мардежат ок пуал, лач пеледыш-шамыч гына тамлын ушалтыт.

Ача йыр-ваш түслен ончале, а вара... вара шинчажым кумыш да курымлан малаш возо.

Тыге ег пашаш, империалистический сареш лунчыгышо егын вуржö коштым чарныш.

Кресавык-шамычын шумышт вургыжеш, шолшо вудла шолеш.

—Мемнан гайым тыге мыскылат. Уке, тиллан мучашым ышташ күлеш!—йорло шамыч шыдешт ойлат.



—Шалате, мом шоget, арам логар!..

П. Ключикинын сүрөтше.

Ача деч посна кодшо Ивук ала мо нерген шонен шинча ыле, но уремыште лүшкымö йук тудын шонымыжым күрлөб.

—Ивук, алак ала мо шокта, ончал—Ивукын аваже пелештыш.

Ивук окнаш ончалат чылт какарген-шемем кайыш.

Ялыш ошо-шамыч пуренит улмаш, йыр-ваш лүшкаш туналыныт. Теве икте Кргорий Настасийым поктылеш. Настасийын ушö шарланен, кидым шарен куржеш, уло кертмыж дене кычкыра.

Умбакеже Ивук тыгай шучко сүретым ончен кер-

тын огыл, окнам „кроп“ петырен. Ормыж дене пöрт мучко куршталыштын. Ала кузе шинчажлан конга туквенат, конга шенгак шылын шогалын.

Аваже чыла улымыш, тудын вуйжо пöрдаш тунале: пуйто пöрт унчыли вуя шога, але пеш чот йыр пöрдеч.

Йук-йуан чыла ялым авалтен. Темдыме ош салтак-шамыч кажне пöртыштö оза лийыныт. Шергакан узгарым шкаланышт оптенит.

Ивукмытын пöрт дек нылытын толыч. Иктыже, офицер вургемым чийыше шортньö погонан поручик, пöртым санга йумачын ончале.

—Тиде шүкшү пöртыштö мо уло?—шке дечше йодо. —Югынам тыгай пöртыштат доход лиеда,—вара уштарыш.

Кугу ошкыл дене капка дек лишеме, почешыже кум салтак-шамыч мийышт.

Поручик капкам чумалат, кудовечыш пурыш. Ик салтакын ошо ваштареш улмыжым викак палаш лиеш. Тудо лопка вачан, кукшү капан, нойышыла почеш кодын кая.

Поручик кудвечым ончале. Ваштарешыже—шүкшү, пуста вита „мыйым ит түкө“ маншыла коеш. Вита умбалне чыве лудмыжö дене кыдетла.

—Господин поручик, тыште садак нимоат уке,—ик салтак ойлыш.

—Улыжым, укежым шке шивчем, тыланда могай сомыл!—поручик шыдешкен кычкыра. Вара ала мом шоналтен уштарыш:—Пеленем Хомков кодеш, а те каеда!

Кок салтак-шамыч кайышт. Кукшү капан, кумда вачан Хомков вуйжым рузалтыш, поручик почеш пöртончык кузыш. Поручик омсам шулшыльö. омса ыш почылт: куртньö көгöн шыде пий дечат сай аралтыш улмаш. Поручик пеш чот шыдешкышат, шувыл вудым шыжыктен, „Отворяй, собачья морда!“—кычкыра. Ивук кычкырыммын колын гынат, шыпак велз лийын, а аважын ушыжо каенат, тарваныде киен. Поручик эше чот сырыш, уло вийже дене омсам чумале, омса адакат ыш почылт.

—Шалате, мом шоget, арам логар!—Хомковым кычкыра.

Хомков шыдыже деде „шолт“ чумал колтыш, омса „шыдыр-годыр“ шоктен кодо—кок йолге лектын возо. Хомков тунамак уло кертмыже ден поручикым мушкындынеже ыле, но кыдым кучыш. „Эше мый тыйым пытараш шуам“ манын шоналтыш.

(Умбакеже лиеш).

3-шо могыр. „Ямде лий“





Фашист-шамыч дене сар тунгалме жапыште генерал Эль-Кампесино (шолаште) кресаньык ыле. Кызыт республиканский дивизийын пале командирже.

Фото Союзфото

## Испанский калык Франко генераллан ок подчинятле

Кордовышто (мятежник-шамычын сенен налме территориясе ола) пашазе-шамыч забастовкым увертареныт. Нуно зарплатым кужытат йодыныт.

Мятежник-шамычын властью забастовко ыштыше шамычым арестоватлаш да фронтон ончыл лийышыже колташ приказлен.

Мятежник-шамычын сенен налме территориялаште лекше фашистский газет-шамыч кече гыч кечыш калыкым Франко генералым колышташ унын возат гынат, испан ола ден ялаште Франкон режимже вастареш недовольство кечын кушкеш.

## Китайский удрамыш-шамыч шке зрыкан родинышт верч крдалыт

Китайский удрамыш-шамыч японский захватчик вастареш крдалаште активне участвоватлат. Уло эл мучко лумын корпус, союз организоватлыме улыт, тушто удрамыш-шамыч сар пашалан тунемыт. Удрамыш-шамыч сар па-

шам тунеммек вигак фронтыш каят. Кызыт фронтышто тужем дене удрамыш-шамыч улыт. Нуно крдалаште участвоватлат, тукак медицинский сестралан пашам ыштат.

Шке ялыштым аралыше удрамыш «корпус обороны» уло.

## Китай калыкын герой летчикше-шамыч

Японский захватчик-шамычын Китайыште сарым ыштыме жапыште китайский летчик-шамыч мучаш дыме луддымылык да героизм улман шуко замечательный образец-шамычым ончыктеныт.

Нуно 29 апрельыште кугу воздушный кучедалмаш годым 8 японский бомбардировщик да 13 истребитель-шамычым шалатеныт. Тылзе эртыменте, 31 майыште Ханькоу денысе кучедалмаше 12 японский истребитель ден 3 бомбардировщикым волтен колтеныт.

Кум летчик-шамыч Нагасаки, Фукуока, Сасебо умбаке, моло вереат чонгештеныт. Бомбо олмеш нуно японский калыклан сарын чыкже нерген ойлышо листовко-шамычым кышкеныт.

Японский захватчик-шамыч у наступленийлан ямдылалташлан Янцзы эгерыш 50 утла военный судашамычым шогалтылыныт. 3 июльышто китайский летчик-шамыч 3 военный корабльым пуртен колтеныт.

Вес кечыжын, 4 июльышто утларак сенымаш лийын: Аньцина районышто нуно адак вич военный судам да вич самолетан авианосецым пуртен колтеныт.

А. Бондин. «Моя школа». Детиздат. 1938 ий. Тираж 25.300 экз. Акше 3 тенгеат 75 ыр.

Тиде книгаште писатель шкенжын йоча годсыжым, революций ден ончыкшо школ, заводыс да куртв рудникысе пашазе-шамычын илышын нереген воза.

Ленян ачаже заводышто паша ыштымыже годымак, а изиш варарак аважат колтеныт. Ленян кок изаже улмаш. Иктыжым кугыжан армийыш налыныт, весыже Леням куштен кертдымылан лийын, «уто логар» манян приютыш пуа. Тунам приютышто илаш пеш неле лийын. Йоча-шамыч шужен, кушкетлал пытышан, лавран коштыныт. Изиш титак паша ышты-

## Чыла мерген

3 июльышто А. В. Косарев лумеш Центральный аэроклубын аэродромжо гыч (Гушино ола) летчица Е. М. Медникова йолташын пилотироватлыме Г-22 самолет Лихоборы-Лохкоял-Икша станций-Лихоборы станций маршрут дене 100 километрым 36 минутат 22,6 секундешто чонгештен. Тудо шагатыште 164,940 километр скорость дене каен.

Тиде чонгештымаш дене Катя Медникова чехословацкий летчица М. Дубкован ыштыме рекордшым эртен, тудо тыгай кугу самолет денак шагатыште 143,850 километр скоростью ончыктеныт.

Орск олесе йоча-шамычлан (Оренбург область) зауральский роштышто чапле пионерский паркым почмо. Паркыште футболла модмо вер, физкультурный площадке, шуко модыш-шамыч улыт.

Краматорск олесе Ворошилов лум 4 №-ан школышто тунемше-шамыч Красногорки ял воктен, Торец энгер серыште гипс кийме верым муыныт. Гипс кийме келгыт 1 метр наре. Слоиын кужгүтшө 30-50 сантиметр.

Гаварский, коммерческий бассейныште (Франция) йуштылмаште советский пловец Бойченко рекордым ончыктен. «Баттерфляй» стиль дене 200 метрым 2 м. 39,1 секунд жапыште ийын каен.

Палыме американский летчик Говард Юз 2 июльышто Нью Йорк гыч кок моторан «Локхид 14» скоростной самолет дене кругосветный перелетыш чонгештен. Маршрутшо Нью-Йорк-Париж-Москва-Сибирь-Аляска, Канада гоч уэш Нью-Йоркым портылеш. Тудо кенета колышо Вилии Постын рекордшым сенаш шона.

## Мемнан календарьна

2 гыч 12 июль марте

2 июльышто (1778 ийын) французский писатель да мыслитель Жан-Жан Руссо колэн. (1712 ийын 28 июньышто шочын).

4 июльышто (1918 ийын) V-ше Всероссийский Совет-шамыч сезд почылтын.

5 июльышто (1857 ийын) Клара Цеткин шочын.

7 июльышто (1535 ийын) английский коммунист-утопист Томас Морым казнитленыт (шочын 1478 ийын 7 февральыште).

8 июльышто (1838 ийын) Германыйысе дирижабль конструктор Фердинанд Цеппельн шочын. 1917 ийыште колэн.

9 июльышто (1937 ийын) СССР ЦИК, СССР Верховный Советыш сайлыме мерген Положеним утвердитлен.

11 июльышто (1920 ийын) Йошкар Армий Минск олаш пурен. Советский Белоруссийым ош поляк-шамыч ден утарен.

## ЙОЧА-ШАМЫЧЛАН У КНИГА

мыланат нуным надзирательница ден воспитательница-шамыч наказатленыт.



Приют ден вара Леня олесе школыш толын. Но тыштат илышыже куштылеми оыл. Кенгеж каникул жап годым Леня шка-



Тунгалтыш школым чыла предмет дене отличне тунем пытарыше-шамыч (шол гыч пурлашке) Пирогова Лариса ден Пирогова Аля («Восход» колхоз, Куженер район).

Фото Овечкиных.



## КАГАЗЫН ИСТОРИИЖЕ ГЫЧ

Пеш ожно кагаз уке улмаш. Тунам ен-шамыч кугу кеш, кугурык пырдыжеш возгаленыт. Тиде возымым лудашлан лийын ен-шамычлан пеш торашке кошташ логалын. Вет скалам почто дене от колто.

Кеш, кугурык пырдыжеш, пушгеш возгалаш йонан огыл улмаш. Садланак ен-шамыч шуи плиткеш возаш тунгалыныт. Но тыгай плитка кагура улмыжлан верчын пеш ватке пудырген. Древний римлян-шамыч сарашлан слонын лужым кучылтыныт. Но тудо пеш шергакан улмаш. Грек-шамыч ыштыме дене велыме изи пуогаш сереныт. Тыште ыштыме ватке уштылалтын, ыштыме умбалсе значек-шамыч ватке пытен.

Древний да кыдалаш курымышто эн сай возышаш узгарлан папирус ден пергамент шотлалтын. Папирусом кошонен луктын, эн первой кушто кучылташ тунгалыныт—але маргет огыл пале. Папирус—тростниковый растений. Тудо Нил разливывсе шинчыше куп вудеш кушкын. Южгынам папирус 5-7 метр кужытан лийын. Тиде растенийн вуртыжо гыч письменный материалым ыштен.

Папирус дене пырля пергаментым (тошто годсо кагаз олмеш кучылтмо вычкыж коваште) кучылташ тунгалыныт. Тудо—папирус ден пергамент материал. Тудым налаш Египетш шумеш

кошташ ок кыл улмаш. Пергаментым шорык, каза, тага презе-шамычын коваштышт гыч ыштеныт. Коваште гыч межым нужмек, коям, шылым зрыктымек тудын кужгышым кок-кум ужашлан шеледен.

Пергамент кагаз гана вычкыж лийын. Южгынам тудым кунен, нарынче, шеме, моло турло чия денат чиялненыт.

Тидын ден вара чын кагаз лектын. Китайыште мемнан эра ден ончыксо кыкышо курымыштак кагазым ыштеныт. VII—VIII курымлаште японеш-шамыч тудым ышташ тунемыныт, Европышто кагаз ыштымын секретшым XI—XII курымышто гына паленыт.

Первой кагаз ыштыме фабрикийм Германиянын Равенсбург олаште 1290 ийыште ыштыме. Тидын ден вара кагаз Европыйский мир мучко шарлен.

Кагаз гыч книга да тетрадьым гына велз огыл, шор, шор умбал опташ атым ыштат. Америкыште гыч, кагаз гыч водопровод трубам, пун оравам, леведышым, автомобильлан шиным, бочкым, цемент опташ мешакым, платым, салфеткым, простыням да сорта рудым, молатым ыштат.

А. Горобова

«Колхозные ребята» газет гыч.

## Шкенан районнам тунемаш каеча

Кызыт мемнан кенгеж каникул. Южо йочашт лагерьлаште, санаторийлаште, моло вереат канат. Но шуко йоча-шамыч монгешышт кодыныт. Теве ме «Юледур» колхозысо пионер-шамыч кенгеж жапым монгыштат веселан эртарена. Эн первояк, ме шкенан районнам тунемаш каена. Тиде походым мый шкеак вуйлаташ туналам. Походлан ме ямде улына: кочкышым, турло узгарым, дневникым ямдыленна. Поход годым шкенан районышто улшо шуко коштанге, шудо, пеледыш-шамыч дене гербарийым ыштена, турло тусан куй шамычым погена.

Экскурсий дене Йошкар-Олашке каена. Тушто типографийыш, музейыш, заводлашке коштнена.

Загайнов Василий. Ронго район, Кужмарий ялсовет, «Юледур» колхоз.

Ответственный редактор—К. А. ЛЕНСКИЙ.

МЕМНАН АДРЕС: Йошкар-Ола, Марий АССР, Совет порт, 25-ше №-ан полем, «Ямде лий» редакций. Телефон; Совет портын коммутаторжо, 82-шо №.